

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

tare possit, qui gloriam suam annuncient, & errantibus contradicant, si vel maximè unatantum sit muliercula. Ita solus Moses contradicebat incantatoribus Ægyptiacis, Exod. 7. vers. 11. Elias Baaliticis sacerdotibus quorum erant centum quinquaginta, 1. Reg. 18. vers. 19. Micha falsis Prophetis, 1. Reg. 22. vers. 6. seqq. Johannes Hussus Concilio Constantiensi. Lutherus toti Papatu. Non ergò moveamur, si populoſa malignantium caterva veritati resiftat. Ex ore enim infantium & lactentium sibi laudem Deus perfidere potest; Ps. 8. v. 3.

2. Sinistra

Baalzebul
clue dicit?

1. *Calumniantium*, ut sunt Pharisei & Scribæ, teste Marco, c. 3. v. 22. Hi excipiunt contra propriam conscientiam, Christum ejicere dæmonia per Beelzebub principem dæmoniorum. Fuit autem Beelzebub idolum Philistinorum, cuius mentio fit, 2. Reg. 1. vers. 2. quo nomine Judæi Diabolum intelligunt, gentium enim Dii sunt dæmonia, Ps. 96. vers. 5. alias idem est quod Dominus seu Rex muscarum, quia sub vexillo suo totum exercitum Diabolorum, instar muscularum per aërem volitantum, tanquam Imperator gubernat.

Dicimus inde, nihil à mortu sycophantarum tutum esse. Sed recte faciendo neminem time, & si maledicorum morsus experiri cogeris, perpende, quod idem Christo accidit. Servus non est major Domino, Joh. 15. v. 20. Si Magistrum Beelzebub nominarunt, quid mirum si & ministros ita nominent, Matth. 10. vers. 25. copiosa interim tibi merces in cœlo reservatur, Matth. 5. v. 11. 12.

2. *Tentantium*, qui signum petunt à cœlo, ut vel solem sistat, vel retrogradifaciat, quod utrumque contigit, illud tempore Iosuæ, Jol. 10. vers. 13. hoc tempore His-

kiæ, 2. Reg. 20. v. 9. vel tonitrua excitet, ut Samuel, 1. Sam. 12. vers. 18. vel ignem de cœlo dejiciat, ut Elias, 1. Reg. 18. v. 38. sed hoc ipso stultitiam suam produnt, dum miracula petunt in ipsis miraculis, cuius farinæ sunt etiam hodierni Pontificii, dum tub clarissimam Evangelii lucem, quæ hodie resplendit, miracula à nobis flagitant. Sed quod Christus Pharisæis respondebat Matt. 11. v. 39. idem habeant sibi à nobis: Generatio mala & adultera signum querit, & signum non dabitur ei. Nam contenti sumus signis & miraculis Apostolorum, quibus doctrinam nostram confirmarunt. Et certissimum hoc Antichristi signum esse nobis certò persuademus, cuius adventus erit secundum operationem Satanæ, in omni virtute, & signis & prodigiis mendacibus, 2. Thess. 2. v. 9.

De Tertio.

R Estat ut examinemus Christi apologiam & defensionem, quæ est

I. *Refutatoria*, contra Pharisæorum & Scribarum calumniam potissimum directa, & quinque conflat argumentis.

i. Desumitur ab *incommodo*, vers. 17. 18. hoc modo: Si per Beelzebub ejicio dæmonia, ut vos dicitis, Satanás adversus seipsum dissideret. At Satanás adversus seipsum non dissideret, Ergo nec ego per Beelzebub ejicio dæmonia. Assumptionem Christus probat inde, quia regnum ejus stat inconcussum, illud autem fieri non posset, si bella & dissidia intestina prædominantur. Hoc argumento commendatur nobis concordia, cum maxima sit spirituum malorum in obfirmando regno suo consensio, ut & nos in afferenda & defendenda Ecclesiæ unitate per vinculum pacis invicti & unanimis simus, Eph. 4. vers. 3. idem sentientes, in pace

pace agentes, 2. Cor. 13. v. 11. sicut membra unius corporis, 1. Cor. 12. v. 12. nam Deus non est Deus dissensionis sed pacis, 1. Cor. 14. v. 33. secus ab invicem consumimur, Gal. 5. vers. 15. Unitas tamen illa fundata sit in verbo & veritate, Joh. 17. v. 17. alias melius est dissidium veritatis causa ortum, quam vitiosa concordia, ut Nazianencus loquitur.

2. Ab exemplo, v. 19. hoc modo: Si ego per Beelzebub ejicio dæmonia, etiam filii vestri per illum ejicient. At non ejiciunt per Beelzebub. Ergo. Per filios ipsorum quidam intelligunt 70. discipulos, quibus potestatem dederat Dominus super immundos spiritus, Luc. 10. v. 17. Hi enim in gremio Judaici populi nati & educati erant. Quidam vero Exorcistas Judæorum, qui ope Diaboli immundos ejiciebant spiritus, ut videre est Marc. 9. vers. 38. Luc. 9. vers. 49. Actor. 19. v. 13; nam donum miraculorum etiam in hypocritas cadere potest, Matth. 7. v. 22. ^{N. 3. 2. danc. q. de Diaboli dæmonia ejiciunt de illis. 3. 2. danc. q. de Diaboli dæmonia ejiciunt de illis.}

Quia igitur Pharisei & Scribæhos divinā virtute ejicere dæmonia asseverabant, recte concludit Christus, quod & ipse divinā virtute dæmonia ejiciat, & addit, idèo vestri erunt judices, id est in extremo iudicio vos condemnabunt suo testimonio, quod ex sola calumnia di libidine contra propriam conscientiam miraculum meum Diabolo authori ascripsistis.

Hæc est natura invidiæ, quod amicorum virtù laudet, & eorum, quibus non benè cūpit, virtutes etiam ad orcum quasi devovat, juxta effatum Siracidis cap. II. v. 33.

3. à Contrario, vers. 20, quali dicat, si dīgito Dei, adeoque propriā virtute dæmonia ejicio, utique hinc velut ex indubitate ~~ex-~~ colligere debebatis, pervenisse ad vos

regnum illud Dei, quod per Messiam inchoatum & constitutum iri, prædictum Sancti Prophetae, & consequenter, me esse illum tot seculis desideratum & expectatum Messiam, id quod multitudo signorum meorum luculenter arguit. Quibus verbis sine dubio respexit Christus ad historiam Mosis & Magorum Ægyptiorum, qui tandem ex productione pedicularum digitum Dei cognoscebat, Exod. 8. v. 19.

Ex hac collatione Evangelistarum, quorum alter Spiritum Dei per digitum Dei interpretabatur, colligimus non tantum Spiritum S. esse verum Deum, sicut enim digitus cum manu & brachio, manus vero vel brachium cum corpore in natura unum sunt: Ita Pater, Filius & Sp. S. tres quidem sunt in personis, sed una divina essentia, inquit Hieronymus. Sed etiam Judæos retundere possumus, qui adhuc hodie eodem spiritu calumniarum cum Patribus suis acti & ducti, per schem hamphoras Christum miracula sua perpetrâsse, impudentissime nugantur, de quo vide Lutherum Tom. 8. Jen. fol. 109.

4. Ab absurdo, v. 22. q. d. Absurdum est, ut fortior armatus cedat ei, qui imbecilior est. Ita Satanus tanquam potentissimus spiritus ejici non potest, nisi à superiore & fortiore. Quando igitur palatium ipsius, quod permittente Deo occupavit, expugno, indeque illum dejicio, utique indubitate opere testatum reddo, me non colludere cum Diabolo, sed potius invicto ariete regnum ipsius oppugnare.

Descriptio illa Diaboli meritò nobis terrorē incutiat, ut peccata fugiamus, quæ nihil aliud sunt, quam arma iniquitatis quibus nos Satanus oppugnat, Rom. 6. vers. 19. Hoc tamen è contrario solari nos potest, quod

N

Chri-

*Vid. infra.
In his Epist.
P. 402.*

Dominica Oculi.

98

Christus fortior est , arma ejus abstulit, in quibus confidebat, & spolia distribuit. Quin adhuc dum ad dextram Patris sedens contra Draconem hunc ruffum , qui nos accusat coram Deo noctes atque dies, acriter nos defendit, Apoc. 12. vers. 7. & breviter sub pedibus nostris conteret, Rom. 16. v. 20.

5. *A diverso studio*, v. 23. quasi dicat: Me non habere foedus cum Beelzebub, vel hinc liquidissime patet, quia mea & Satanæ opera planè sunt diversa, imò contraria, ego sum veritas, Joh. 14. v. 6. ille pater mendacii, Joh. 8. v. 44. Egolux vera, Joh. 1. v. 9. ille princeps tenebrarum, Eph. 6. v. 12. Ego pater omnis boni, Jac. 1. v. 16. ille author omnis mali, unde καὶ ἔπος τὸν πόδες der Ar-ge / oder der Böse dicitur, Matth. 13. v. 19.

Notetur hac Christi sententia contra Neutralistas, qui Deo simul & Mammonæ servire volunt, Matth. 6. v. 24. sed videant, quomodo conscientiam suam liberent, nulla siquidem est communio lucis & tenebrarum, 2. Cor. 6. v. 15.

II. *Exhortatoria.* Quia enim Christus videbat multos esse interspectatores, qui non considerabant periculum, in quo singulis momentis versabantur propter Satanam hostem illum & ἀνθρώπου generis humani, quasi in speculo ipsis ob oculos ponit

I. *Diaboli molimina*, quod non dormit, sed indefesso studio circumvagatur, si hac non succedit, alia rem aggreditur via, ut historia Jobi testatur. c. 1. v. 7. imò si vel maximè repellatur semel atque iterum, tamen reddit impudentissimus spiritus, & multiplicato agmine nihil intentatum relinquit, ut domum pristinam recuperare possit.

Hoc probè considerate vos mei. Ecce vigilat hostis, & vos dormietis! O scelus! ô dedecus! vigilate & orate, ne intentationem incidatis, Matth. 26. v. 41.

2. *Summa discrimina*, quod extrema hominis illius pejora sunt primis. Nam spiritus isti complicato molimine cor ejus justo Dei iudicio securitatem praecedentem punientis planè captivant & occident, quo pertinet dictum Petri 2. c. 2. v. 20. seqq.

Caveamus igitur, ne per securitatem Diabolo viam aperiamus ad oblationem spiritualem, sed firmiter ipsi resistamus per fidem, 1. Pet. 5. v. 9. fides enim est ferramentum illud, quo Christo tanquam angulari lapidi conjungitur, 1. Pet. 2. v. 5. & quamdia cum ipso uniti manemus, tuti sumus à Satana infidiis. Nam major est qui in nobis est, quam qui in mundo est, 1. Johan. 4. vers. 4.

Dominica Lætare.

Evangelium Job. 6. v. 1. 15.

MAgnum fuit miraculum, quod ad introitum Prophetæ Elisæi in domum viduae illius Prophetæ oleum repente in urceolo

ejus cœpit excrescere, adeoque multiplicari, ut vasis domesticis non potuerit comprehendendi, sed aliunde mutuo sumere necesse fuerit, & quod in eodem capite describitur,

non